

نُوح سنت ري كهائي

تعارف:

شجي دُنيا ۾ تموم گهڻا منڪ بڌي گيا هئا. اُوئي تيم ري منڪون ري عمرون موٽي موٽي هوتي هان اُوئي تيم را منڪ تموم هوشيار هان دلير هئا. او تموم گهڻا پاپي هان ايشور شون الڳا هئا.

پيدائش 6:5-14

ايشور نُوح ني موٽو پيڙو ٺاڻ ري ماپ سُٺائي، پيڙي ۾ تين منزلون ٺائي پيڙي ري ماڻي هيڪ روشنڊان ٺائي هان پيڙي رو هيڪ در ٺاڻ رو كهيو.

5 پچي پرميشور ڏينو ڪه ڌرتي تي انسونون ري بچڙائي بڌي ري هان اُوئون را من را خيال هميشا بچڙائي شون پريجوڙا هي. 6 ايئي تي پرميشور ني تموم گهڻو ڏڪ هويو هان او پچتايو ڪه، ”مهِي ڌرتي تي انسون ڪيئون ٺاهيا؟“ 7 پچي پرميشور كهيو ڪه، ”انسون جڪون ني مهِي ٺاهيا هي، ڌرتي شون مٿائي چوڙين هان اُوئون پيڙا ڌرتي تي ريون آلا هر نموني را نيا موٽا جنار هان پڪي پي ختم ڪري چوڙين، ڪيونڪه اُوئون ني ٺائي هون پچتائون هون.“ 8 پڻ پرميشور نُوح شون خوش هتو.

9 نُوح ري بات ايئون هي ڪه، نُوح آڀري زموني ري منڪون ۾ نيڪ هتو هان او ايشور ري مرضي تي بيتو. 10 نُوح را تين ڏيڪرا هئا، جڪون را نون سم، حام هان يافت هئا. 11 پڻ بيجا شجائي انسون ايشور ري نظر ۾ بچڙا هئا هان هر جگهه ظلم ئي ظلم هتو. 12 ايشور ڌرتي تي نظر ڪي هان ڏينو ڪه او خراب هوئي ري، ڪيونڪه شجون منڪون رو اُنڻ پيشڻ خراب هتو. 13 پچي ايشور نُوح ني كهيو ڪه، ”مهِي شجون ني ختم ڪرڻ رو فيصلو ڪيو هي، ڪيونڪه ڌرتي اُوئون ري ظلم شون پريجي ري. ايئي ري ڪري هون انسون هان اُوئون پيڙا ڌرتي تي ريون آلا شجائي شاش آلا ختم ڪري چوڙين. 14 تو ديال ري لڪڙي شون آڀري سارو هيڪ پيڙو ٺا، اُوئي پيڙي ۾ ڪمرا ٺا هان پيڙي ري جوڙون ۾ اندر ٻاهر ڏامر لڳائي.

بيدائيش 6:17-22

جڏي او شجائي ٻيڙي ۾ آيا، تو پڇي پرميشور ٻيڙي رو در ٻاهر شون بند ڪري چوڙيو. چاليه ڏن هان چاليه راتون شجي ڌرتي تي ۾ تموم گهڻو مي هتو. شجائي شانس آلا مري ڪيا. رگو نوح هان جڪو اوئي ٻيڙي ۾ هتا، او بچي ڪيا. ڪئينڪه مهيتون شون پڇي، پوئي سقا شوڪي ڪيو، تو پرميشور نوح ني ڪهيو ڪه ٻيڙي شون ٻاهر آ، هان نوح پيڙا جڪو پي منڪ هان جنار ٻيڙي ۾ هتا ٻاهر آيا. نوح پرميشور ري شارو جنارون رو ٻليدون ڪيو. پرميشور نوح شون وچن ڪيو ڪه آج شون پڇي ڪڏي شجي دنيا ني پوئي شون ختم ڪونهي ڪرون. ائي رو نشون آي هوشي ڪه باڏتون ۾ مهارو ڏونگڙو ڏيڪيجشي.

17 هون ڌرتي تي بوڏ ميلين ڪه شجائي انسون ختم هوئي جاوي هان شجائي جنار جڪو ڌرتي تي هي، او مري جاوي. 18 پڻ ٿي بچي جاشو. تو آپري لگائي، آپري ڏيڪرون هان بوٿاريون شوڏو ٻيڙي ۾ چڙهي هان بوڏ شون پڇي هون ٿي شون وچن ڪرين. 19 تو آپ پيڙا ٻيڙي ۾ هر نموني ري جنارون را جوڙا، يعني نر هان مادي لئي ڪه او پي ٿي پيڙا جيتا ري. 20 هر نموني را نيا موتا پڪي، جنار هان شرڪن آئي جنارون را جوڙا ٿي ڪڍي آشي ڪه او جيتا ري. 21 تو هر نموني ري ڪاوڻ آئي شيون آپ ڪڍي ٻيڙي ڪري راڪي، ڪيونڪه تونري هان جنارون ري شارو آئيج ڪاڏو هوشي. “ 22 پڇي نوح ايئوج ڪيو، جون ايشور اوئي ني حڪم ڏينو هتو.

ياد ڪرڻ رو وچن

روميون 6:23

ڪيونڪه پاپ ري مڙوري موت هي، پڻ ايشور ري ڪرپا آئي پريو مسيح يسوع ري وسيلي آيون ني امر جيون مڪت ۾ ڏينو هي.